



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Solvuntur objectiones

[urn:nbn:de:hbz:466:1-77355](#)

Probatur primò conclusio ex D. Thoma in 4. A
dist. 14. qu. 2. art. 4. ad 4. ubi sic ait: *Virtus infusa & acquisita non sunt eiusdem speciei: unde cum habitus ex frequentatione operum peccati generatus, virtuti acquisita contrarius sit, non contrariatur directè virtuti infusa.*

Probatur secundò ratione: Ad contrarietatem propriè dictam, hæc tria indispensabiliter requiruntur, quod extrema contrarietas sint sub eodem genere, quod maximè distent, & quod ab eodem subiecto se mutuò expellant: Sed hæc tria non reperiuntur inter virtutes infusas & virtutis, quæcumque illa sint: Ergo nullum vitium propriè & directè contrariatur virtutibus infusis. Major patet ex suprà dictis, Minor probatur. In primis enim vicia naturalia, seu quæ per se tendunt contra rationem naturalem, non maximè distent, nec maximè opponunt virtutibus infusis, cùm objecta formalia illorum vitiorum, & virtutum infusarum non sint formaliter opposita, sed objecta duntaxat materialia: nam objectum formale temperantia infusa v. g. est sumptio moderata ciborum ex motivo supernaturali, ut scilicet corpus subficiatur spiritui, ne contra legem Dei infurget; objectum verò formale intemperantia naturalis, est immoderata sumptio cibi ex motivo naturali, putè ut corpus delectetur cibis: quæ objecta, ut patet, non sunt formaliter, sed tantum materialiter opposita. Deinde licet vicia contra supernaturalia, seu quæ præceptum aliquod aut motivum supernaturali in objecto recipiunt, iisque opponuntur, maximè distent à virtutibus supernaturalibus & per se infusis, non tamen ab eodem subiecto se mutuò expellant: Tum quia non est idem vicij contra supernaturalia, & virtutis per se infusæ subiectum formale; vicij quippe cuiuscumque subiectum est potentia naturalis, cùm entitas vicij naturalis, virtutis verò per se infusa subiectum est potentia obedientialis, cùm entitas hujus virtutis sit supernaturalis. Tum etiam, D quia vitium, & virtus per se infusa illi opposita, possunt esse simul in eodem subiecto in gradibus intensis, imò intensissimis: nam si quis habens intensissimum habitum intemperantia, justificetur per actum intensissimum contritionis & dilectionis Dei, tunc recipiet, juxta suam dispositionem, gratiam intensissimam, & omnes virtutes infusas, ac inter eas temperantiam, in eodem gradu intensioris; & sic intemperantia, & temperantia per se infusa, erunt simul in eodem subiecto in gradibus intensissimis. Ex quo fit quod homines infecti viciis, post actum contritionis valde intensum, per quem justificantur, eandem experiantur difficultatem circa professionem boni & fugam mali, quam ante justificationem patiebantur; cuius exemplum habemus in Sancta Maria Ægyptiaca, quæ, ut confessi est B. Zozimo, initio suæ conversionis, variis & frequentes in horrenda solitudine carnis molestias & tentationes experta est, & vehementissimam in peccatum luxuria sensit inclinationem, cui tamen divinâ adjuta gratiâ semper restitit, & de hoste domestico gloriòsè triumphavit.

§. II.

Solvuntur objectiones.

OBJICES primò contra primam conclusionem: Unum uni tantum debet esse contrarium, ut docet Aristoteles 10. Metaph. textu 17. Sed vicia, cùm resistant motioni Spiritus Sancti ad bonum, qua sit per dona, illis contrariantur: Ergo nequeunt esse contraria virtutibus.

Confirmatur: Sæpe unum vitium opponitur duabus virtutibus, ut docet D. Thomas 2. 2. qu. 18. art. 3. ubi ait quod avaritia opponitur justitiae & liberalitati: similiter una virtus opponitur duobus viciis, ut patet in liberalitate, quæ opponitur prodigalitati & avaricie: Ergo si unum uni tantum sit contrarium, inter virtutem & vitium, propria contrarietas esse nequit.

Ad objectionem in primis dico illud axioma, **Vnum uni tantum est contrarium**, intelligendum esse de his tantum quæ directè contrariantur: Vicia autem non contrariantur directè donis Spiritus Sancti, sed indirectè tantum, cùm eadem quantum ad hoc sit ratio de donis ac de virtutibus infusis, quibus vicia non contrariantur directè, sed solum indirectè, ut in secunda conclusione ostensum est.

Respondeo secundò, quod licet unum non possit sub eadem ratione pluribus contrariari, bene tamen sub diversa; & sic *vicia inquantum sunt contra bonum rationis, contrariantur virtutibus: inquantum autem sunt contra divinum instinctum, contrariantur donis*, ut ait S. Thomas supra qu. 68. art. 2. Similiter liberalitas & aliae virtutes quæ versantur inter duo vicia extrema, secundum diversas rationes utrique opponuntur: nam liberalitas secundum quod inclinat ad dandum quando & ubi oportet &c. opponitur avaricie; ut verò inclinat ad retinendum quando & ubi est convenientis, opponitur prodigalitati. Per quod patet ad confirmationem.

Objicies secundò: Contraria ea sunt quæ sub eodem genere maximè distent, & ab eodem subiecto se mutuò expellant: Sed vitium & virtus acquisita non semper maximè distent; cùm sint aliquæ virtutes quæ medium tenent inter duo vicia extrema (ut liberalitas inter avaritiam & prodigalitatem, magnanimitas inter præsumptionem & pusillanimitatem) medium autem non maximè distet ab extremis, imò plus distent extrema ipsa inter se, quam à medio: Ergo vitium & virtus acquisita non semper inter se contraria sunt.

Respondeo concessa Majori, negando Minorem: & ad probationem illius dico, virtutes medias, materialiter tantum & physicè esse in medio viciorum extremonum; formaliter verò & in genere moris, maximè ab eis distare: nam in hoc genere virtus habet rationem unius extremiti inclinantis in id quod est rationi consonum: ipsa verò vicia, quantumvis inter se distantia, habent rationem alterius extremiti inclinantis in id quod est rationi dissonum: in quo ambo vicia alias extrema convenient. Solutio est D. Thomas supra qu. 64. art. 1. ubi simile argumentum ita dissolvit: *Dicendum quod virtus moralis bonitatem habet ex regula rationis: pro materia autem haber passiones vel operationes: Si ergo comparetur virtus moralis ad rationem, sic secundum id quod rationis est, habet rationem extremiti unus, quod*

DISPUTATIO PRIMA

est conformitas: excessus verò & defectus habent rationem alterius extremiti, quod est disformitas. Si verò consideretur virtus moralis secundum suam materiam, sic habet rationem medijs, in quantum passionem reducit ad regulam rationis: unde Philosophus dicit in 2. Ethic. *Virus secundum substantiam medietas est, in quantum regula virtutis ponitur circa proprium materiam: secundum optimum autem & bonum est extremitas, scilicet secundum conformitatem rationis.* Vide Salmantenses hīc disp. i. dubio 1. s. 2. in fine, ubi doctrinam hanc egregie confirmant & illustrant.

12. Objicies tertio contra secundum conclusio-
nem: D. Thomas in frā qu. 73. art. 4. ad 3. docet
quod odium Dei directè opponitur charitati.
Idem docet de spe respectu desperationis 2. qu. 119. art. 6. ad 2. Item qu. 36. art. 5. ad 1. de misericordia ait, quod opponitur illi directè invidia,
secundum contrarietatem principali objecti: lo-
quitur autem de misericordia infusa, que est
charitatis effectus: Ergo juxta D. Thomam, ali-
qua virtus propriè & directè opponuntur virtuti-
bus infusis.

13. Respondeo D. Thomam non loqui his locis
de contrarietate directa ex omni capite, atque
ad eū simpliciter tali, sed de contrarietate directa
secundum quid, nimirum ex parte objecti, ut
clarè indicant verba illa in objectione adducta:
secundum contrarietatem principali objecti. Unde
solum vult S. Doctor, prædicta virtus opponi
charitati, spei, & misericordiae, ex parte objecti,
cum versentur circa idem opposito modo: cæteri
qua subiectum utrumque non est idem
formaliter; cum, usupra dicebamus, virtus cuius-
cumque subiectum sit potentia naturalis, virtu-
tum verò infusarum, potentia obedientialis;
hinc sit, quod à contrarietate adæquata & sim-
pliciter tali deficiat.

14. Objicies quartò: Per pœnitentiam & per gra-
tiam, & virtutes infusas ab ea dimanantes, cor-
rumpunt & destruuntur virtus: Ergo illa sunt
directè contraria virtutibus infusis. Consequen-
tia videtur legitima, quia præcipua contrario-
rum lex est, ut ab eodem subiecto mutuò se ex-
pellant: unde supra conclusione 2. ex coexisten-
tia virtutis infusa & vitij in gradibus intensis,
probavimus illa non esse inter se directè contra-
ria. Antecedens verò probatur primò ex D. Tho-
ma 3. p. qu. 85. art. 2. ad 3. ubi sic ait: *Qualibet*
virus specialis formaliter expellit habitum vitij
oppositi, sicut albedo expellit nigredinem ab eo-
dem subiecto: sed pœnitentia expellit omne pec-
catum effectivè. Et qu. 1. de virtutibus art. 10. ad
16. hæc scribit: *Actus contritionis habet quod*
corrumpt habitum vitij ex virtute gratia: unde
in eo qui habuit habitum intemperantia, cum con-
teritur, non remaneat cum virtute temperantia in-
fusa habitus intemperantia in ratione habitus, sed
in via corruptionis quasi dispositio quadam &c. Secundò probatur idem. Antecedens: Scientia
infusa & fides excludunt omnem errorem ab in-
tellectu: Ergo pariter virtus infusa debet omnem
habitum vitiosum ab appetitu aut voluntate circa
suum objectum excludere. Tertiò si gratia &
virtutes infuse virtus sibi opposita non expelle-
rent, sequeretur quod peccator justificatus, &
virtutibus infusis ornatus, poterit dici vitiosus:
nam denominatio alicujus formæ, solum importat
ipsum formam ut communicatam subiecto;
unde si in justificato permaneant virtus, non cur ei
propriam denominationem non conferant.

A Quartò sequeretur quod habitus vitiosi possent
simul stare cum beatitudine; quod videtur ab-
surdum, & repugnans statui perfecto beatitudi-
nis. Sequela probatur: Si quis enim insignis pecc-
tor, habens plures habitus vitiosos, justifice-
tur per baptismum, & statim moriatur, tunc illi
statim erit beatus, & tamen in principio beatiti-
dinis conservabit habitus vitiosos, si illi per
gratiam & virtutes infusas in justificatione &
baptismo receptas, non fuerint exclusi: Ergo
habitus vitiosi simul cum beatitudine stare po-
terunt.

15. Respondeo primò, negando Antecedens, ad
cujus primam probationem, dicendum est, pri-
mum D. Thomæ testimoniū ex tercia parte
Summa Theologicæ desumptum, intelligi de-
bere de virtutibus acquisitis, non verò de infu-
sis: solum enim ibi declarare intendit modum
quo pœnitentia expellit omnia peccata, diver-
sum est ab eo quo cætera virtutes expellunt
unaqueque suum vitium: quia ista formaliter
id praestant propter directam oppositionem circa
idem objectum & subiectum; illa verò efficien-
ter, quatenus elicit vel imperat actus satisfac-
torios, quos acceptans Deus, remittit offendam, &
delet peccata. Ad verificandum autem hoc dis-
crimen, non est necesse ut in omnibus virtuti-
bus sic accidat, sed sufficit quod sic contingat in
acquisitis.

16. Ad aliud quod subjungitur ex quaestione de
virtutibus, respondet Cajetanus, habitus vitio-
sus ex eo dici à S. Doctoro corrupti & destrui
per pœnitentiam & per gratiam, quia virtute
earum amittunt proprium statum & comple-
mentum vitij sub quo erant ante justificationem,
ad eūque pereunt formalissimè in esse vitiorum
moralium, quamvis maneant quoad substantiam
& intentionem physicam. Quam doctrinam &
solutionem fusc explicant & defendunt Salman-
tenses hīc disp. i. dubio 2. s. 3. & dicunt Cajetan-
num verbis illis non intendere, quod virtus
per adventum virtutum infusarum amittant ali-
quid de sua propria & specifica ratione, aut quod
non retineant propriam differentiam constituti-
vam essentiæ vitij (ut quidam putaverunt) sed
quod manent ita retinacta & cohibita per gra-
tiam & virtutes, ut non retineant illum statum
qui proprius est habituum vitiosorum, qui de se,
& nullà cohibente gratiâ, adhærent fortiter ob-
jecto, dominantur voluntati, eamque sibi quoad
protectionem mali & fugam boni subjiciunt.

17. Ad secundam probationem Antecedentis, ad-
missio Antecedente, nego consequentiam & pa-
ritatem. Ratio verò disparitatis est, quia fides &
scientia plenè subiectum sibi intellectum, eique
conferunt omnimodam certitudinem veritatis
scire aut credita, subindeque in eo multam re-
linquent inclinationem ad formandum assen-
sum contrarium, excluduntque errorem habi-
tualiter in talen assensum propendentem. At
verò inclinatio in bonum quæ fit per virutes infu-
sas, non ita plenè sub initio sibi subiectum apper-
tit aut voluntatem, ut tollat omnem inclinationem & tendentiam ad actus sibi oppositos;
atque ad eū tales virtutes habitus vitiosos nece-
ssariò non excludunt, sed cum ipsis simul stare
possunt in homine justificato.

18. Ad tertiam nego sequelam, ut enim homo
denominetur vitiosus, non sufficit quod habeat
virtus quoad essentiam, sed insuper requiriatur
quod illa sit in subiecto sub statu comple-
men-

mento sibi proprio, quem modum effendi non habent in homine justificato; ad statum enim virtuum requiritur ut permaneant non retractata, sed conservantia rationem voluntarii, sicut dum fuerunt acquista: in justificatione autem retractatur hæc ratio per pœnitentiam, quatenus retractantur actus peccaminosi, qui voluntariè virtua genere; unde sicut tunc non manent ut homini voluntaria, ita nec cum statu sibi proprio & naturali.

19. Ad quartam, nego etiam sequelam: licet enim habitus virtutis non contrariantur propriè virtutibus infusis, contrariantur tamen beatitudini, quæ est status omnium bonorum aggregatione perfectus, & sic habitus virtutis, utpote malii in genere moris; debent tolli ante adoptionem beatitudinis, sive ante, sive post penas purgatorij.

20. Potest etiam principali argumento responderi, dato Antecedenti, negando Consequentiam: non rectè enim infertur aliqua esse directè contraria, ex eo præcisè quod se expellant aut sint incompatibilis etiam in gradibus remissis; quia hæc expulsio & incompatibilitas potest ex aliis oppositionibus provenire, & reduci in contradictionem, vel oppositionem privativam. Nos autem ex coëxistencia seu compatibilitate virtutis infusa & vitij, rectè in secunda conclusione probavimus non competere illis directam contrarietatem, quia exclusio & incompatibilitas extremonum est proprietas contrariorum secundo modo ex quatuor traditis à Porphyrio, capite de proprio; quæ scilicet convenienti omnibus contrariis, sed non solis. Unde sicut ex eo quod aliquid non sit bipes, rectè infertur non esse hominem, non verò ècontra ex eo quod aliquod animal sit bipes, bene colligitur esse hominem: ita pariter ex eo quod aliqua non se mutuò excludent, rectè probatur non esse directè contraria; non tamen valet hic discursus: Aliqua excludunt se mutuò: Ergo sunt directè contraria.

ARTICVLVS I.

Vtrum omnia virtutia, tam ea que virtutibus acquisitis, quamque infusis opponuntur, sint contra naturam hominis?

S. I.

Duplici conclusione difficultas resolvitur.

21. **D**ico primò, virtutia opposita virtutibus acquisitis esse contra naturam hominis. Ita communiter docent Theologii cum S. Thoma h̄c att. 2. ubi hanc conclusionem probat in argumento sed contra, ex Augustino lib. 3. de libero arbitrio sic dicente: *Omne virtutum eo ipso quod vivit, contra naturam est.* In corpore vero articuli sic discutit: Quod est contra propriam formam per quam naturaliter agit aliqua natura, contrariantur tali naturæ; sicut quod est contrarium calori, per quem ignis naturaliter agit, contrariantur eo ipso naturæ ignis: Sed omnia virtutia & peccata opposita virtutibus acquisitis, contrariantur forma per quam homo connaturaliter agit, nimirum lumini seu dictamini rationis, quæ est propria forma naturæ rationalis in ordinem ad agendum: Ergo omnia virtutia & peccata opposita virtutibus acquisitis, sunt contra naturam hominis, ipsumque brutis quodammodo simili-

Tom. III.

A lem reddunt. Unde Bernardus ait quod homo per virtutia & peccata, ipsi bestiis bestialior fit, & Boëtius in libris de consolat. Hac ex Timoëo Locro, & aliis Platoniciis refert: *Avaritia fervet alienarum opum violentus raptor, lupo similem dixeris. Ferox atque inquietus in litigis linguan exerceat; cani comparabis. Insidiosus occultus subripuisse fraudibus gaudeat; vulpeculis exequetur. Ira intemperans fremit; leonis animam gestare credatur. Pavidus est, & non meruenda formidat; cervis similis habeatur. Segnis ac stupidus torpet; asinum existima. Levis & inconstans studia permittat; nil ab azibis disfat. Fœdis immundisque libidinibus mergitur; folididam suis voluptate deitinetur.*

Aliter potest hæc ratio D. Thomæ expendi, & sub hac forma proponi. Quid contrariantur naturali inclinationi hominis, est contra illius naturam: Sed virtutia opposita virtutibus acquisitis, contrariantur naturali inclinationi hominis:

Ergo sunt contra illius naturam. Major patet, Minor probatur. Homo naturaliter inclinatur ad virtutes acquisitas: Ergo virtutia illis opposita, contrariantur naturali inclinationi hominis. Consequens manifesta est: Antecedens vero ostenditur primò ex D. Thoma infra qu. 4. art. 3. ubi sic ait: *Naturalis inclinatio ineft cuilibet homini ad hoc quod agat secundum rationem, & hoc est agere secundum virtutem.* Secundò probatur hac ratione quam ibidem insinuat. Unumquodque naturaliter inclinatur ad operationem convenientem sibi secundum suam formam: At operatio honesta & virtuosa est conveniens homini secundum propriam formam, cum consistat in hoc quod est vivere secundum rationem, quod est operari convenienter ad animam, ut rationalis est: Ergo homo naturaliter inclinatur ad actus honestos & virtuosos, & consequenter etiam ad virtutes quæ sunt illorum principia.

DConfirmatur: Quia homo ex sua natura intellectus est, naturaliter appetit cognitionem veri, per quam ut intellectus perficitur: Sed homo ex natura sua, non solum est intellectus veri, sed etiam volitus boni honesti, quod solum est verum bonum, per cuius volitionem perficitur: Ergo homo naturaliter in volitionem boni honesti inclinatur, ac proinde in virtutes acquisitas, quæ sunt honestæ volitionis principia.

EConfirmatur amplius: Inclinatio supra potentiam activam aut receptivam solum addit quod sit ad terminum perficiendum & proportionatum: Unde est in homine derur potentia ad visionem claram Dei, & per illam maximè perficiatur, non tamen naturaliter in illam inclinat, quia talis operatio non est viribus ejus naturalibus proportionata. Item est natura humana sit capax unionis hypotheticae, & per illam perficiatur, quia tamen hæc unio non est ei proportionata, non datur in natura humana naturalis inclinatio ad illam. Non datur etiam in homine naturalis inclinatio ad formale malitia, quia licet non excedat proportionem potentiarum hominis, illas tamen non perficit, sed potius inficit & ledit: At homo quatenus rationalis, per virtutes acquisitas perficitur, & alias haber naturalem proportionem cum illis: Ergo quatenus rationalis naturaliter in virtutes illas inclinatur, subindeque virtutia illis opposita, termino naturalis inclinationis contrariantur, & per consequens sunt contra ipsius naturam.

Dico secundò: Etiam virtutia & peccata opposita

22.

23.

24.